

Virtutis Solidæ Præcipua Impedimenta, Subsidia, Et Incitamenta

Commentationibus Illustrata, Omnium Usui Aptatis. Quæ Servire Insuper
Poterunt Pro Argumento Concionum: Uti Et Considerationum Tempore
Exercitiorum; præsertim verò pro gemino sacræ collectionis triduo; prout
ex subjectis hunc in finem elenchis patet. [...] Partes Tres

Incitamenta

Bellecius, Aloysius

Ratisbonae [u.a.], 1755

§.I. Constantiæ decora.

Nutzungsbedingungen

[urn:nbn:de:hbz:466:1-55553](https://nbn-resolving.de/urn:nbn:de:hbz:466:1-55553)

Tanta ergo constantiae in bono cum
necessitas sit ad perfectionem & bea-
titudinem consequendam , pro coro-
nide hujus operis ob oculos ponam
I. stabilitatis decora , II. instabilitatis
dispendia , ut amborum consideratio-
ne fortiter impellamur ad sanctitatem
non solum aliquamdiu sed perseve-
ranter sectandam.

§. I.

Perseverantiae decora.

I. PRima prærogativa , qua perseve-
rantes in bono justi ab aliis lu-
næ æmulis erronibus distinguuntur , in
eo consistit , quod vivi adhuc eleven-
tur ad statum similem illi , quo olim
post extremum judicii diem revivi-
scentes beabimur ; utpote ubi immu-
tabili felicitate eundem perpetuò vitæ
& sortis cursum tenebimus . Nam
etiam illi , qui in probitate constan-
tes sunt , omni lunatica morum vi-
cissitudine superiores , in æquabili sem-
per justitiae libra perenne solstitium ce-

I.
*Nos simi-
les facit
Beatis ip-
sique Deo.*

C c 3 lebrant,

Iebrant, & amandato inconstancia
aprili, stabili gaudent vere.

Præterea tales per hanc virtutem
quodammodo participes fiunt ipsius im-
mutabilitatis DEI; cùm etiam apud
ipsos, licet dissimili beatitate, non sit
*transmutatio nec vicissitudinis obumbra-
tio.* (b) Quamvis enim aliás teste
Hussæo Vare *inter Sanctas nemo immu-
tabilis sit,* (c) & homo natura sua
nunquam in eodem statu permaneat; (d)
tamen perseverantiæ adminiculo ad
aliquam stabilitatis divinæ similitudi-
nem sublimatur. Ex quo virtutis hu-
jus eminentem præstantiam colligere
licet, utpote quæ nos Beatis, gloria
carne amictis, nec non ipsi Supremo
Numini aliqua ratione similes reddit;
& quæ propterea eò potentiùs ad sui
amorem nos incitat, quò altius ea
suos asseclas elevat.

**II.
Firmam
spem tri-**

II. Altera laudatae hactenus firmi-
tatis dos est, quòd nostræ ad æternam
beati-

(b) Jac. 1. v. 17. (c) Job. 15. v. 15.
(d) Job. 14. v. 2.

beatitudinem electionis signum minus ^{buit perse-}
dubium sit. Patentur quidem Theo- ^{verantie}
logi hac in vita quædam numerari ^{finalis.}
indicia, per quæ cognosci, vel saltem
conjici possit, quinam mortalium sint
electorum albo inferendi, & cœlesti
gloriæ asserendi; sed tamen iidem una-
nimi quoque consensu testantur, ple-
raque hæc signa esse æquivoca, errori-
que obnoxia; cum non raro fallant.
Nihilominus has inter notas siqua est,
cui certiore habere fidem liceat, ex
eorum sententiâ hæc, de qua agimus,
prævia in bono perseverantia est. Hæc
enim vaticino omne & prodromo
nisu jam nunc incipit in nobis expri-
mere illum felicem æternæ immuta-
bilitatis statum, quæ infinitæ beatitati
adèò naturalis & propria est.

Imò hoc ipso, quod constanti quis
gressu Solymam versus incedere per-
gat, præsaga spe solari se potest, se
tandem etiam beatæ illius civitatis in-
colam fore. Patres enim, cum de
prædestinatione seu de divino salutem
nostram decernente decreto differunt,

eam nobis exhibent tanquam catenam ex pluribus insertis invicem annulis compositam. Ex parte cœli catena hæc series est gratiarum, quas electis suis præparavit D E U S, & queis illos liberè quidem, certissimè tamen ad gloriam perducit. Ex parte hominis catena hæc est continuatio plurimorum actuum, per quos his auxiliis fideli annutu consentimus.

Omnes hi assensus sunt præviæ hujus, de qua loquimur, perseverantia actus, quorum extremus, ad quem reliqui omnes referuntur, felicem illam finalem perseverantiam constituit; & qui, quia ultimus est, reliquis omnibus coronidem imponit. Sicut ergo ille, qui priores catenæ annulos avida manu arripit, sibi jure de attrahendo etiam ultimo blandiri potest; ita pariter ille, qui per vitæ cursum in exercendis piis operibus constans perseveraverit, meritò sperare valet, se etiam sub mortem firmum in eorum exercitio permansurum; cùm continua virtutum praxis optima ani-
mi

mi comparatio ad consequendam beatitudinem æternam, ejusque probabilissimum pignus sit.

Huic ipsi fundamento nixus, vas electionis Paulus paratam justis gloriam certo sibi augurio ominabatur, dum de rei eventu securus intrepidè affirmavit: *reposita est mihi corona iustitiae, quam reddet mihi Dominus in illa die justus judex.* (e) Licet enim alibi se omnium abortivum esse, (f) & peccatorum primum (g) enunciarit; tamen morti proximior nil hæsitans asseverat: *Dominus salvum me faciet in regnum suum cælestē.* (h)

Scilicet stabilitas in pietate per plures jam vitæ annos continuata, hujus fiduciæ firmamentum erat. *Bonum certamen certavi, ajebat, cursum consummavi, fidem servavi;* (i) id conscientia fidi vadi monio testatur. Ex hac autem diuturniore virtutum exer-

C c s cita-

(e) 2. Timoth. 4. v. 8. (f) 1. Cor. 15. v. 3.

(g) 1. Tim. 1. v. 15. (h) 2. Timoth. 4. v. 18.

(i) 2. Tim. 4. v. 7.

citatione spe plenus inferebat : ergo etiam finali perseverantia à divina largitate donabor : *reposita est mihi corona justitiae*. Adeò certum nempe constantia hæc ac indubitatum Apostolo beatæ electionis prognosticon erat. Quo autem stimulo salutis cupida mens efficaciùs impelli possit ad sanctitudinis callem constanter pre mendum, quàm ipso hoc præsago æternæ felicitatis indicio ?

III.
*Virtutes
reliquas
perficit, &
coronat.*

III. Tertium denique decus, quo excellens hæc firmitas eminet, in eo consistit, quòd ea omnibus aliis virtutibus premium addat, earundem meritum augeat, illasque ad perfecti onem perducat. Desumpta ex Hypo nensi Præfule doctrina hæc est, dicente : *non est magnum inchoare, quod bonum est; sed consummare, hoc solum perfectum est.* (1) Huic opinioni suffragatur Hispalensis Ecclesiæ lumen Isidorus, ita differens : *non est beatus, qui bonum facit; sed qui incessabiliter facit.*

(m)

(1) Serm. Super Psal. 51.

(m) Non queruntur in christianis ini-
tia, (prosequitur Hieronymus) sed finis
et perseverantia. Paulus male cœpit,
sed bene finivit. Iudæ laudantur ini-
tia, sed finis prodizione damnatur. (n)
Non enim cœpisse, sed permanisse, virtu-
tis est. (o) ita sentit Hieronymus.
Ex his patet, ex mente Patrum so-
lam constantiam probas actiones per-
ficere, eisque meriti coronidem im-
ponere.

Verum quidem est, quod cuilibet
pio actui suus gloriae gradus respon-
deat; sed hic non nisi perseveranti
confertur. Evidem omnes virtutes
currunt, (ait Petrus Blesensis) sed una
perseverantia coronatur. (p) Omnes
quidem virtutes (Bonaventurae oracu-
lum est) coronam merentur, sed sola per-
severantia coronatur. (q) Inde illius
preium ac excellentem præstantiam
colligas, velim.

IV.

(m) Lib. 2. de Synonym. (n) Contra Jovi-
rian. Item in epist. ad Furiam. (o) Epist. ad
Vitalem. (p) Epist. 22. (q) Diætæ c. 2.

IV. Præterea hæc animi firmitudo
Imò ipsa est singu- non est tantum complementum, per-
laris vir- fectio, & anima omnium aliarum vir-
tus. tutum ac conditio, sine qua nulla
earum æterna mercede donabitur; sed
insuper ipsa quoque *specialis* ab aliis
distincta virtus est, (Aquinatis verba
sunt) per quam homo in honestis operi-
bus persistit, quantum necesse est. (r)
Nam ex mente S. Doctoris ubi occur-
rit *specialis ratio difficultatis*, ibi est spe-
cialis virtus. Jam autem diu insistere
alicui difficulti, specialem habet difficulta-
tem. Ideo diu persistere in aliquo bono
usque ad ejus consummationem, pertinet
ad specialem virtutem.

Ergo cùm in sanctorum operatio-
num exercitatione ipsa exercitii diu-
turnitas & laboris continuatio singu-
larem quandam valdeque magnam
sibi annexam habeat difficultatem,
singulari quoque opus est virtute, qua
roborati superandæ huic molestiæ red-
damur idonei. Talis ergo cùm pro-
droma hæc perseverantia sit, etiam
cuili-

cuilibet, quam ordinat, actioni pecuniare meritum tribuit, distinctum ab eo, quod aliis, quas comitatur, & animat, virtutibus debetur. Ex quo illius summè proficia excelsitas luculenter elucet.

V. Accedit, quòd consummatum
redemptionis nostræ opus in acceptis illi debe-
referendum sit invictæ illi constantiæ, tur re-
qua divinus Salvator triginta trium demptio-
annorum spatio innumeros labores, nis nostræ
inauditos cruciatus ac ærumnas per- consum-
pessus est; quin tot miseriarum vel matio.
magnitudo vel diuturnitas illum ab
incœpto deterruerint; ita quidem, ut
verè æterno Patri pridie mortis suæ
dicere potuerit: *opus consummavi, quod*
dedisti mihi, ut faciam; (s) & in cru-
ce positus exclamare: *consummatum est.*
(t) Licet enim Scribæ & Pharisei,
ut inde descenderet, eundem incita-
rint; seque in cum tunc credituros
promiserint; tamen immotus persti-
tit, blanda hæc invitamenta promissa-
que neglexit, & atrocissima inter tor-
menta

(s) *Ioan.* 17. v. 4. (t) *Joan.* 19. v. 30.

menta tamdiu duravit, donec omnium victorem emisit spiritum.

Exinde præstantissima hujus virtutis decora æstimare licet, quæ profectò tanta sunt, ut summè vecordem esse oporteat illum, qui, neglectis tot stimulis, respiciens retro, manum ab aratro retrahit, (u) & electam perfectio- nis semitam perfido pede profugus deserit. Tu igitur ô immutabile Nu- men! fige, quæso, inconstantis animi levitatem, & pietatis desertionem im- providè meditantem, vietricis gratiæ adminiculo viæ sanctitatis ita affige, ut inde eum nec tribulatio, nec angu- stia, nec fames, nec nuditas, nec per-secutio, nec gladius (x) unquam se- pareret, avellatque.

§. II.

Inconstantiae dispendia.

I. Narratis, queis constantia emi-
Omni eti- am priori
merito
privat. E net, prærogativis, proferenda in apricum pariter sunt ea, quæ ex men-

(u) Lue, 9. v. 62. (x) Rom, 8. v. 35.